

Çfarë do t'u Ndodhë të Gjallëve dhe të Vdekurve në Ardhjen e Dytë të Jezu Krishtit?

MANUALI I SEMINARIT PËR DHIA TËN E RE

Lexo te 1 Thesalonikasve 4:13–18, duke kërkuar ide rreth asaj që do t'u ndodhë të drejtëve kur Jezusi të vijë përsëri. Dalloje ndryshimin mes asaj që do t'u ndodhë atyre që kanë vdekur dhe atyre që janë ende në jetë në Ardhjen e Dytë. (Fjalët “flesh” dhe “fjetur” në këto vargje u referohen atyre që kanë vdekur.)

- Çfarë qe domethënëse për ty në këto vargje?

Më tej, lexo te Doktrina e Besëlidhje 88:96–98, duke kërkuar ide të tjera rreth këtyre ngjarjeve. (Mund të duash edhe të lexosh vargjet 99–101 për të mësuar rreth asaj që do t'u ndodhë atyre që nuk e pranuan Jezu Krishtin në këtë jetë.)

- Çfarë idesh të reja fitove?

Një e vërtetë që mund të kesh identifikuar, mund të jetë që **shenjtorët besnikë që vdesin përpara Ardhjes së Dytë, do të ringjallen kur Krishti të vijë sërish.**

Termi “rrëmbehemi” (1 Thesalonikasve 4:17) i referohet bashkimit të të drejtëve për të takuar Shpëtimtarin në ardhjen e Tij.

Plaku Nil L. Andersen, i Kuorumit të Dymbëdhjetë Apostujve, tha sa vijon rreth kësaj ngjarjeje të shenjtë:



“Asgjë nuk e nxit dëshirën time për të folur për Krishtin më shumë sesa përfytyrimi i kthimit të Tij. Ndonëse nuk e dimë se kur do të vijë Ai, ngjarjet e kthimit të Tij do të jenë mahnitëse! Ai do të vijë në retë e qiellit, në madhësi dhe lav-

di, me të gjithë engjëjt e Tij të shenjtë. Jo thjesht disa engjëj por të gjithë engjëjt e Tij të shenjtë. Këta nuk janë kerubinët me faqe si qershi të pikturuar nga Rafaeli, që gjenden në kartolinat tona të Shën Valentinit. Këta janë engjëjt të shekujve, engjëjt e dërguar për t'u mbyllur gojën luanëve, për të hapur dyert e burgut, për të lajmëruar lindjen e shumëpritur të Tij, për ta ngushëlluar Atë në Gjetseman, për të siguruar dishepujt për Ngritjen e Tij dhe për të hapur Rivendosjen e lavdishme të ungjillit.

A mund ta përfytyroni të rrëmbehemi për ta takuar Atë, qoftë në këtë anë të velit apo në tjetrën? Ky është premtimi i Tij për të drejtët. Kjo përvojë mahnitëse do ta shenjojë shpirtin tonë përgjithmonë.” (Nil L. Andersen, “Ne Flasin për Krishtin”, *Ensign* ose *Liahona*, nëntor 2020, f. 91)

Gjej pak kohë për të përfytyruar se si mund të ishte të numëroheshe mes të drejtëve në ardhjen e Shpëtimtarit.

- Çfarë mendimesh ose ndjenjash mund të kesh atë ditë? Si ndihesh duke e ditur se Shpëtimtari dëshiron që të bashkohesh me Atë kur Ai të vijë? Si ndikon përfytyrimi i asaj dite në të ardhmen tek ti sot?

Te 1 Thesalonikasve 4:18, Pali i nxit shenjtorët ta “ngushëlloni[n] ... njëri-tjetrin me këto fjalë”.

- Në ç'mënyrë të japin ngushëllim mësimet e Palit? Si mund të të japin ato ngushëllim në rrethana të ardhshme me të cilat mund të përballesh?